



VANJSKOTRGOVINSKA KOMORA BOSNE I HERCEGOVINE  
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

**KABINET PREDSJEDNIKA I POTPREDSJEDNIKA**

Broj: 01-4-03-3-413-2/21  
Datum: 02.04.2021. godine

**BOSNA I HERCEGOVINA**  
**MINISTARSTVO KOMUNIKACIJA I TRANSPORTA BiH**  
Trg BiH 1, 71000 Sarajevo  
– N/r g. **Vojin Mitrović**, ministar

**PREDMET:** Inicijativa - nabavka vakcina i izdavanje COVID-pasoša za vozače u međunarodnom cestovnom prijevozu, - dostavlja se

Poštovani,

Odlukom o prijenosu novčanih sredstava deponovanih na posebnom računu Vanjskotrgovinske komore Bosne i Hercegovine na jedinstveni račun trezora („Službeni glasnik BiH“, broj 17/21) propisano je da su sredstva iz člana 2. stav (2) ove odluke *namijenjena za finansiranje projekata iz oblasti cestovnog prometa*, o čemu posebnu odluku donosi Vijeće ministara Bosne i Hercegovine, na prijedlog Ministarstva komunikacija i transporta Bosne i Hercegovine.

Imajući u vidu izuzetno težak položaj bosanskohercegovačkih prijevoznika u vrijeme pandemije COVID-19, te nemogućnost države da na vrijeme obezbijedi neophodne vakcine za profesionalne vozače u međunarodnom cestovnom prijevozu, a obzirom da se radi o sredstvima namijenjenim za finansiranje projekata iz oblasti cestovnog prijevoza, koja su prijevoznici uplatili na navedeni posebni račun, članovi Udruženja u međunarodnom i međuentitetskom cestovnom prijevozu putnika i članovi Udruženja međunarodnih cestovnih prijevoznika tereta VTK BiH, predložili su Vanjskotrgovinskoj komori Bosne i Hercegovine da uputi Inicijativu Ministarstvu komunikacija i transporta Bosne i Hercegovine da se dio sredstava iz gore navedene odluke utroši za nabavku vakcina i izdavanje COVID-pasoša za vozače u međunarodnom cestovnom prijevozu.

Nadamo se da ćete ozbiljno razmotriti predmetnu inicijativu i u što kraćem roku istu uputiti Vijeće ministara Bosne i Hercegovine, kako bi se izvršila imunizacija vozača, te osigurao neometan protok ljudi i dobara.

S poštovanjem,

**PREDSJEDNIK**

Ahmet Egrlić



**Dostavljeno:**

- Naslovu,
- a/a.

**Co:**

- Vijeće ministara Bosne i Hercegovine, Trg BiH 1, 71000 Sarajevo

